



A.X.Адхамов*

ЖИНОЯТЛАРНИ ОЛДИНИ ОЛИШНИНГ ИЛМИЙ НАЗАРИЙ ЖИХАТЛАРИ

Аннотация: Ушбу мақолада ички ишлар органлари томонидан жиноятларни олдини олишнинг назарий жиҳатлари, унинг концепцияси ва ички ишлар органларининг тезкор бўлинмалари томонидан амалга оширилаётган тезкор-қидирув профилактикага оид илмий қарашлари ёритилган.

Таянч тушунчалар: тезкор-қидирув фаолияти, жиноятни олдини олиш, жиноятнинг профилактикаси, тезкор-қидирув профилактика.

ТЕОРЕТИЧЕСКИЕ АСПЕКТЫ ПРЕДУПРЕЖДЕНИЯ ПРЕСТУПНОСТИ ПРИ БОРЬБЕ С ПРЕСТУПНОСТЬЮ ОРГАНОВ ВНУТРЕННИХ ДЕЛ

Аннотация: В статье изложены научные концепции, понятие профилактики преступности, ее виды и научные взгляды на оперативно-профилактическую работу, которая должна проводиться в рамках профилактики преступлений оперативными подразделениями органов внутренних дел.

Ключевые слова: оперативно-розыскная деятельность, профилактика преступлений, профилактика преступлений, оперативно-розыскная профилактика.

THEORETICAL ASPECTS OF CRIME PREVENTION WHEN FIGHTING CRIME OF INTERNAL AFFAIRS BODIES

Abstract: The article outlines scientific concepts, the concept of crime prevention, its types and scientific views on operational preventive work, which should be carried out as part of crime prevention by operational units of internal affairs bodies.

Key words: operational investigative activity, crime prevention, crime prevention,

* Ўзбекистон Республикаси ИИВ ходими.



Мамлакатимизда сўнгги йилларда ўтказилган ислоҳотлар натижасида жиноятларнинг барвақт олдини олиш ва ҳуқуқбузарликларга қарши курашишда янги иш услублари татбиқ қилиниб, аҳоли ва жамоатчилик билан узвий мулоқот йўлга қўйилди, ушбу соҳага замонавий ахборот-коммуникация технологиялари кенг жорий этилди¹.

Жиноятларни олдини олиш, уларни келтириб чиқарувчи сабаб ва шароитларини бартараф этиш барча даврларда ҳам давлатнинг жиддий ва муҳим масалаларидан бири ҳисобланиб келинган. Жамиятда инсон тинч ва хотиржам яшашни хоҳлайди. Тинчлик бўлган жойда эса албатта барака ва ривожланиш бўлади. 2022-2026 йилларга мўлжалланган янги Ўзбекистоннинг тараққиёт стратегияси ва Ўзбекистон Республикасида гиёҳвандлик ва наркожиноятларга қарши курашиш бўйича 2024-2028 йилларга мўлжалланган миллий стратегияларда² Ўзбекистоннинг жиноятчиликка қарши курашиш ва ҳуқуқбузарликларнинг олдини олиш борасидаги мақсадлари аниқ ва равshan баён этилди.

Президентимиз, Шавкат Мирзиёев ўзининг ҳар бир чиқишиларида соҳага масъул бўлган идораларнинг асосий вазифаси жиноятчини топиш ва жазолаш эмас, балки жиноят содир этилишига шароит яратиб берган ҳолатларни аниқлаш, айниқса тизимли муаммолар билан ишлашга алоҳида урғу қаратишни кўп бора таъкидлаб ўтган.

“Тезкор-қидирув фаолияти тўғрисида”ги Ўзбекистон Республикаси Қонуни 4 моддасида жиноятларнинг олдини олиш тезкор-қидирув фаолиятини тезкор вазифаларидан бири сифатида белгиланган. Ушбу муаммони ҳал этиш

¹ Ўзбекистон Республикаси Олий мажлис қонунчилик палатаси кенгашининг ва Ўзбекистон Республикаси Олий мажлиси сенати кенгашининг 2018 йил 11 августдаги Қўшма қарори.

Мамлакатимизда жиноятларнинг барвақт олдини олиш ҳуқуқбузарликларга қарши кураш ҳолати тўғрисида. Манба: Lex.Uz (Мурожаат санаси 15.01.2024).

² Ўзбекистон Республикаси президентининг 2024 йил 6 майдаги “Ўзбекистон Республикасида гиёҳвандлик воситалари ва психотроп моддаларнинг ноқонуний айланмасига чек қўйиш орқали уларнинг аҳоли саламатлиги ва мамлакатимиз генофондига салбий таъсирини бартараф этиш стратегик чора-тадбирлари тўғрисида”ги ПФ-73 сони фармонининг 1-иловаси. Манба: lex.uz/ru/pdfs/6912475. Мурожаат санаси 10.05.2024й.



тадқиқотга бўлган илмий қизиқиши белгилайди.

Жиноятчиликнинг олдини олиш мустақил илмий муаммо сифатида XX асрнинг 60-йиллари бошларида вужудга келди. Жиноятчиликнинг олдини олиш деганда нимани тушунасиз.

Жиноятларни олдини олишни ўрганувчи криминология фани ҳали жамиятни жиноятчиликдан химоя қилишга қаратилган фаолиятни тушунтирувчи ягона тушунчани ишлаб чиқмаган. Масалан, жиноятларни олини олиш бўйича қуидаги атамаларнинг турлича тушунчалари мавжуд: “олдини олиш”, “профилактика қилиш”, “тўхтатиш” булар умуман жиноятчиликка нисбатан ҳам ёки аниқ жиноятларга нисбатан ҳам қўлланилади.

Кўриб чиқилаётган мавзунинг мунозарали жиҳатлардан бири бу; жиноятларни “жиноятларни олдини олиш”, “жиноятларнинг тезкор-қидиув профилактикаси” ва “жиноятларни ўз вақтида тўхтатиш” тушунчаларининг бир-бирига нисбатидир.

Мазкур тушунчага ойдинлик киритиш учун юридик адабиётларга, шунингдек, олимлар томонидан ўтказилган илмий изланишларга мурожаат қиласиган бўлсак, хуқуқшунос олим А.Г. Лекарь жиноятларни “жиноятларни олдини олиш” атамаси жиноятларнинг тезкор-қидиув профилактикаси ёки жиноятларни тўхтатиш билан боғлиқ тушунчаларнинг умумий номланиши деб ҳисоблайди³.

А.Г.Лекар ва Д.В.Гребелскийларнинг фикрича: мукаммал тушунча сифатида қабул қилинган жиноятларни олдини олиш тушунчаси ўзига қуидаги “профилактика”, “огоҳлантириш” ва “тўхтатиш” тушунчаларини мужассам этади деб ҳисоблайдилар ва ўз навбатида профилактика икки турга яъни умумий ва якка турдаги профилактикага бўлинади деган фикрларни илгари суришган. Улар жиноятларни олдини олишда “огоҳлантириш” деб жиноятни содир этишини ният қилган шахслар аниқлаш ва бундай шахсларнинг ўз ниятларини рўёбга чиқаришга йўл қўймаслик бўйича тезкор ва аниқ чораларини қабул қилишни

³ Лекарь А.Г. Профилактика преступлений. – М., 1972. – С.103.



назарда тутганлар⁴. Айрим манбаларда А.Г.Лекар жиноятни “олдини олиш” тушунчаси бу шахсга нисбатан тарбиявий таъсир чораларни кўриш деб ҳам фикр билдирган⁵

Бизнинг фикримизча, жиноятларни олдини олиш фаолиятининг мазмунини фарқлаш: биринчидан, жиноятларни содир этилишига олиб келувчи сабабларни ва уларни содир этишга кўмаклашувчи шарт-шароитларни аниқлаш ва бартараф этишга қаратилган бўлиб, уни жиноятчиликнинг олдини олиш; иккинчидан, жиноят содир етишни ният қилган шахсларни аниқлаш ва унинг режаларни жиноий ҳаракатларга айлантиришга йўл қўймаслик бўйича чораларни кўриш - бу жиноятнинг олдини олиш; учинчидан, жиноят содир этишга тайёргарлик кўраётган шахсларни аниқлаш ва уларни тайёргарлик ҳаракатларини ривожланишига йўл қўймаслик чораларни кўриш лозим.

Айни пайтда, бир қатор муаллифлар ушбу атамаларни фарқлашга, уларни жиноятчиликнинг олдини олиш фаолиятининг турли даражалари, йўналишлари ва турлари билан боғлашга ҳаракат қилганлар.

Мисол учун Г.А.Аванесовнинг фикрига кўра, жиноятчиликнинг олдини олиш ўз ичига, “профилактика” ва “тўхтатиш”ни олади. “Жиноятчиликни олдини олиш” тушунчаси бу жиноятни бартараф этишнинг объектив ва субъектив шарт-шароитлари, шунингдек, уни бартараф этишга қаратилган давлат ва жамиятнинг мақсадли чора-тадбирлари мажмуи деб ҳисоблайди⁶.

М.Н. Голоднюк ва В.И. Зубковларнинг фикрига кўра, бу тушунчаларнинг фарқланиши асоссиз деб ҳисоблайдилар. Уларнинг фикрича “жиноятларни олдини олиш” тушунчаси бирор ҳодисадан огохлантириш ёки бирор нарсани ҳимоя қилувчи чора-тадбирлар мажмуини англаради; “жиноятларнинг тезкор профилактикаси” эса, бирор нарсани зудликда ҳимоя қилиш ёки ҳимоя қилишга оид чоралар кўриш, огохлантириш демакдир. Огохлантириш, олдини олиш, кўрилган чоралар билан содир бўлган нарсадан олдин бирор ҳаракат қилиш

⁴ Харевич Д.Л. Место оперативно-розыскного предупреждения в системе предупреждения преступности // Вестник Академии МВД Республики Беларусь. – 2020. – № 2. – С.96

⁵ Лекарь А.Г. Профилактика преступлений. – М., 1972. – С.3.

⁶ Аванесов Г.А. Криминология. – М., 1984. – С.339.



демақдир. “профилактика” атамаси юононча “profilaktikos”, яъни “ҳимоя” сўзидан келиб чиқкан. Бошқача айтганда, бу терминлар, аслида, “олдини олиш”нинг асосий тушунчаси орқали тушунтирилади, яъни уларнинг барчаси бир-бирининг ўрнини босади.⁷

Ўтказилган тадқиқотлар, таҳлиллар натижаларини ҳамда юқорида берилган олимларнинг фикрларига қўшилган ҳолда, бизнинг фикримизча жиноятларни олдини олишнинг 4 та тури мавжуд. булар

- 1) жиноятларнинг профилактикаси;
- 2) жиноятларни бартараф этиш;
- 3) жиноятларни тўхтатиш:
- 4) жиноят содир этган шахсни тарбиялаш.

Ушбу жиноятчиликни олдини олишнинг ҳар бири турига алоҳида тушунчалар берадиган бўлсак:

Жиноятларнинг профилактикаси – бу, жиноятчилик сабаблари ва унга таъсир етувчи шарт-шароитларга таъсир кўрсатади. Бу жиноятга қарши курашишнинг энг муҳим тури ҳисобланади, чунки у жиноятларни содир этишга сабаб бўлувчи криминоген омилларга бевосита таъсир этишни назарда тутади. Шу билан бирга, бу жиноятчиликка қарши курашнинг энг инсонпарвар усули ҳамдир, чунки кўп ҳолларда у жиноят йўлига киришга қодир шахсларга жиноий-хуқуқий таъсир кўрсатишни назарда тутмайди. Бу, хуллас, жиноятчиликка қарши курашда умумий йўналиш бўлиб, давлат ва жамият тўла қўллаб-кувватлаши ва ривожланиши керак бўлган йўналишдир.

Жиноятни олдини олишнинг навбатдаги тури – жиноятларни бартараф этиш, яъни уларни режалаштириш ва тайёрлаш босқичида жиноятларнинг содир этилишига йўл қўймаслик. Бундай ҳолларда жиноятни режалаштираётган шахсларга нисбатан жиноий-хуқуқий чоралари анча кўп қўлланилмоқда.

Жиноятчиликнинг олдини олишнинг яна бир йўналиши - содир этилган жиноятларни тўхтатиш, яъни кейинги жиноий хатти-ҳаракатларнинг олдини

⁷ Харевич Д.Л. Место оперативно-розыскного предупреждения в системе предупреждения преступности // Вестник Академии МВД Республики Беларусь. – 2020. – № 2. – С.97.



олишидир. Одатда, жиноятларнинг олдини олишни тўхтатиш чораларини қўллашда уларни содир этган шахслар жиноий жавобгарликка тортилади.

Жиноятларнинг олдини олишнинг мустақил йўналиши ҳам мавжуд бўлиб, бу жиноят содир этиб жазо муддатини ўтаётган маҳкумларни “тузалиш” йўлига кириш мақсадида қўриладиган чора тадбирлардир.

Жиноятни барвақт олдини олиш жиноий хулқ-атворга олиб келиши мумкин бўлган ташқи шароитларни ўзгартиришга қаратилган бўлади. Масалан, ўсмир улғайса ва дисфункционал оиласида тарбия топса, жиноятни барвақт олдини олиш унда жиноятчи шахс қиёфасини шаклланиши мумкин бўлган шароитларга таъсир қўрсатишига уринишдан иборат бўлади. Бундай ҳолатларнинг олдини олиш қаратилган ҳаракатлар мажмуини мисолда тушунтирадиган бўлсак, айтайлик, болани 3-5 ёшида унинг ота-оналарни ота-оналиқ ҳуқуқидан маҳрум қилиш ва уни болалар муассасасига жойлаштириш орқали жиноятни мутлақо барвақт олдини олиш деб аташ мумкин бўлади.

Хулоса қилиб айтадиган бўлсак, мамлакатимизда жиноятчиликнинг олдини олиш - бу ижтимоий бошқарувнинг ўзига хос тури бўлиб, унинг мақсади жиноий хатти-ҳаракатлар эҳтимолини камайтиришдир, бунинг учун олдини олишни амалга оширувчи субъектнинг ҳуқуқий таъсир чораларини (шу жумладан мажбурий) ахолига тарғиботлар ёрдамида тушунтириш орқали қўллашдир.